



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola II. Clementis Papae IV. Ad VVelodizlavm Electvm Saltzbvrgensem
Episcopvm. Ipsum confirmat in archiepiscopum Saltzburgensem.

urn:nbn:de:hbz:466:1-15974

quos haberent, si essemus in simplici clericatu. Sibyllam visita, & dic ei quod locum non mutet, sed remaneat apud Susam, & omnem maturitatem, & habitus honestatem obseruet, & preces nobis pro aliquo non præsumat assumere. Nam & ei, pro quo fierent, essent inutiles, & ipsi qui rogauerit damnosæ. Et si forte per aliquos ex hac causa munera offerantur, ea respuat, si vult nostram gratiam retinere. Saluta matrem & fratres: non scribimus tibi, nec familiaribus nostris sub bulla, sed sub Piscatoris sigillo, quo Romani pontifices in suis secretis vtuntur. Datum Perusii in festo sanctorum Perpetuæ & Felicitatis.

EPISTOLA II.

CLEMENTIS PAPÆ IV.

AD VVELODIZLAVM ELECTVM SALTZBVRCENSEM

EPISCOPVM.

Ipsum confirmat in archiepiscopum Saltzburgensem.

*Clemens episcopus seruus seruorum Dei dilecto filio Vvelodizlao
electo Saltzburgensi salutem & apostolicam
benedictionem.*

ROMANA ecclesia, cui diuina inscrutabilis altitudo dispositione incommutabile præcipuum contulit super ceteras magistratum, pium ad cunctas alias in huius orbis latitudine constitutas ecclesias materna prouisione habens respectum, laudabili studuit haec tenus obseruantia custodire, ut de illis potissimum curam gerens, eis, opportunitatis tempore occurrente, congrua subuentio nis non differret consilia tam libenter quam liberaliter exhibere. Nos etiam, qui licet insufficientibus meritis in sublimi culminis apostolici specula sumus, disponente Domino, constituti, prædecessorum nostrorum Romanorum pontificum in hoc vestigiis inhærendo, prædictas ecclesias tam proximas quam longe positas paternæ considerationis oculis intuentes, iniunctum erga ipsas sollicitudinis nostræ ministerium circumstantiis vniuersis, ac variis personarum, rerum, locorum & temporum emergentibus necessitatum articulis diligenter inspectis, quan-

Concil. Tom. 28.

Qqq ij

tum nobis ex alto permissum fuerit, ita vigilanter intendimus exercere, ut nihil prorsus in spiritualibus vel temporalibus desit ibi, quod per diligentia nostræ studium poscit aut beat procurari. Et quamvis ministerii huiusmodi debitum circa singulas ecclesias exoluere cupiamus, erga illas tamen, quæ viduitatis deplorant incommoda, ut videlicet ipsis de pastoribus iuxtra cor nostrum idoneis cœli prouidentia utiliter consulatur, curis continuis, eoque anxius attingimur insultibus, quod successiuis eo instantius propulsamur, quo ipsæ, dum vacant periculis subiacentes maioribus, potiori noscuntur apostolico suffragio indigere. Sane venerabilis frater noster Ulricus, quondam Salzburgensis archiepiscopus, rectæ considerationis meditatione aduertens, quod ipse qui iam vergens in senium, multa proprii corporis debilitate grauari dicitur in commisso sibi plebis gubernaculo, variis de causis se fructuose gerere, sicut erat expediens, non valebat, ac proprium & subditorum periculum reformidans, zelo caritatis, quo erga ecclesiam suam vigebat, inductus, ne occasione suæ impotentiae gregem suum inimicus insidiator inuaderet, vel ecclesiæ Salzburgensi utilitatibus dispensatoriis per inualitudinem forsitan deperiret, ipsis ecclesiæ regimine elegit sponte cedere; per literas & nuntium specialiter supplici a nobis deposcens instantia, ut cessionem ipsius, quam sic offerebat spontaneus, de benignitate apostolica recipere dignaremur. Nos autem tam ipsius archiepiscopi quieti & commoditatibus prouidere, quam eiusdem ecclesiæ occurrere periculis opportuna diligentia intendentis, cessionem ipsius duximus admittendam. Per huiusmodi vero cessionem in manibus nostris factam, eadem Salzburgensis ecclesia pastore vacante, ordinationem illius nobis specialiter referuantes, inhibuimus expresse capitulo Salzburgensi, ne ad electionem seu postulationem aut nominationem aliquam procederent de archiepiscopo illa vice, ac decreuimus nihilo minus irritum & inane, si quid contra inhibitionem huiusmodi contingeret attentari. Et demum de salubri prouisione ipsis Salzburgensis ecclesiæ solicite cogitantes, post exactæ deliberationis examen, decens ac necessarium nihilo minus & expediens fore vidimus, ut ea-

dem ecclesia titulo nobilitatis insignis , quæ, currentium dierum faciente malitia , multis est discriminibus exposita , variis conquassata molestiis , grauiterque in temporalibus diminuta , & enormiter in spiritualibus deformata , nobilis decore sponsi ac utiles ornaretur , cuius potentia & prouidentia circumspœcta damna resarciantur , ipsius regantur directa , & indirecta in debitam rectitudinis semitam dirigantur , ecclesiastica defensetur libertas , cleri status reddatur tranquillior , & commodis salutis & gaudii plebs lætetur . Vnde nos laudabiles actus tuos , quibus de virtute in virtutem proficiens in oculis hominum , a tua iuuentutis primitiis te gratum reddere studiisti , delectabiliter in animo reuolentes , ac de redolentis tuae famæ suauitate , quæ publico prædicatur testimonio , quod claram serenissimorum tuorum nobilitatem natalium studiis ac operibus nobilitare satagis virtuosis , odorem acceptabilem sentientes , in te generosum ac benedictionis filium direximus oculos mentis nostræ . In quo te ipsi Saltzburgenſi præficiendo ecclesiæ noster non indigne spiritus requieuit , spem grandem ac fiduciam obtinentes , quod cum sis multorum principum consanguinitate & affinitate subnixus , litera sufficienti dotatus , gratus moribus , conuersatione placidus , vita honestate conspicuus , aliisque virtutibus multipliciter insignitus in spiritualibus , nihilo minus prouidentiam ac in temporalibus discretionem obtinens , ecclesia eadem per tuam potentiam & circumspectionem fructuosam ab instantibus periculis efficaciter eruetur , a futuris præseruabitur salubriter ; & non solum in suis bonis iuribus , immunitatibus , & libertatibus magnifice defensabitur , verum etiam optatæ felicitatis & prosperitatis augmentum spiritualiter & temporaliter ad pacem & bonum statum subditorum sibi cleri & populi diuina fauente clementia consequetur . His itaque digna meditatione pensatis ecclesiæ prælibatae , cuius in hac parte profectum potissime attendimus , speciali volentes diligentia prouidere , de fratribus nostrorum consilio & apostolicæ potestatis plenitude in nomine Domini , non obstante defectu quem in ordinibus pateris , & ætate , te tunc præpositum Vvisegradensis ecclesiæ , capellum nostrum , prælibatae Saltzbur-

Qqq iii

gens ecclesiæ in archiepiscopum præfecimus & pastorem, curam & administrationem illius tam circa spiritualia quam temporalia tibi totaliter committentes. Quapropter discretionem tuam rogamus, monemus attentius, & hortamur per apostolica scripta, tibi in virtute obedientiæ districte præcipiendo mandantes, quatenus tibi onus a Domino impositum reuerenter suscipiens ad commissam tibi ecclesiam cum plena nostræ gratia benedictionis accedas, & illius commissum tibi regimen sic prudenter & utiliter exequaris, quod ipsa tuo salubri ministerio gubernetur feliciter, ac prospere dirigatur, tuque velut pastor sollicitus gregis dominici tuæ custodiæ deputati vigilis curam gerere comproberis, ex quibus clara tui fama nominis extendatur latius, & erga personam tuam benevolentia nostræ sinceritatis digne de bono in melius augatur. Datum Perusii quarto Idus Nouembris, pontificatus nostri anno primo.

EPISTOLA III.
CLEMENTIS PAPÆ IV.
AD PETRVM ELECTVM PATAVIENSEM
EPISCOVVM.

Ipsum confirmat in episcopum.

*Clemens episcopus seruus seruorum Dei dilecto filio Petro electo
Patauensi salutem & apostolicam benedictionem.*

IN supremæ speculationis vertice, cui nos licet indigos apostolicæ dignitatis gradus prætulit, constituti, de variis immensisque negotiis iugiter emergentibus sollicitudinis apostolicæ studio dirigendis continua reddimur attentione solliciti, ne diligentia nostræ ministeriū videatur deesse, vbi pastorale tenemur iniunctum nobis officium exercere. Inter quæ de statu prospero ac salubri ecclesiarum omnium vñlibet positarum curæ nostræ specialiter, superna disponente clementia, commissarum assidue cogitamus, & profundis vigiliis excitamur, vt aliquid penitus non desit inibi, quod ad ipsarum utilitatem per nos valeat procurari. Specialiter autem ad illas, quas viduitatis incommoda deplorare conspicimus, nostrum animum conuertentes, in hoc præcipue nostra sedulitas offi-